

# **AGENDRE TRINITATIS**

## **MINGGU 17 NOVEMBER 2024**

### 1. FANGOWAI BA FOGAONI

*(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).*

- Fangowai** :  
**SA** : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.  
**SATO** : Ya'ahowu !  
**SA** : Ya faofao khömi Lowalangi...  
**SATO** : Ya fao Khöu Geheha-Nia  
**Fogaoni** :  
**SA** : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 14**

#### 14. SUNO YESU, TASUNO YESU

<sup>1</sup>  
do = g 4/4  
MM = 88 - 96

1. Suno Yesu, tasuno Yesu, si sökhi tödö si lö tebulö- bulö, ba khöda lö mamalömalö, lö mamalömalö.
2. He So' aya, sebua tödö Ndra' ugö khöma, ma' andrö saohagölö ia khö-U. Masuno Ndra' ugö, masuno Ndra' ugö.

### 2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):  
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

- SATO** : YADUHU  
**SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

- SA** : **Manunö** : BZ. : 452

**Haleluya..... Haleluya..... Haleluya.....**

- SA** : Mangandrö ita :  
He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundrehehi faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

### 3. MANUNÖ moroi ba Mbuku Zinunö Numero 230

#### 230. U' ILA WA NO FA' OMASI 1

do = f 3/4  
MM = 96 - 104

## 2

1. U 'ila wa no fa' omasi, zi falukhado khö-U, Yesu.  
He'wa' ae tenga sinangea, na dali gamuatagu.  
Me no aefado ba wönu, andrö mangaluludo khö-U,  
moroï sibai ba dödügu.
2. Ya' odo niha si lö sökhi, ba no omasi' ö Yesu.  
Horögu fefu öbè aefa, Öbohounido Eheha-U.  
Börö wemöna-Mö, Yesu, zanga' aro' ö tödügu,  
ba wogamö sa'watögu.

#### 4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **I Samueli 2:1-10**

1. Ba mangandrö Khana, imane: "Owuawua dödügu ibe'e Yehowa; no alawa yawa dandrugu ibe'e Lowalangigu; no faboka mbawagu ba khö zi fa'udu khögu, me no omuso dödügu wangorifimö ya'odo!"
2. Samösa lö ni'amoni'ö si mane Yehowa, lö'ö sa baeromö; sambua sa lö gowe, timba Lowalangida.
3. Böi mimanemane: Fa'asalawa! fa'asalawa! Böi alua baehami wayawasa! Me no Lowalangi sangila [fefu hadia ia] Yehowa; no Lowalangi sanulo folau [niha].
4. Fana zabölö, ba nirasa, ba salaulau, ba la'amöbö talu wa'abölö.
5. Si no abuso mege, ba no möi enoni, ba wanggalui göra, ba ba zolofo mege, ba no döhhö wa'olofo. Fitu sa'ae nono zi lö ono mege, ba soya ono, ba sariri.
6. Yehowa, ba no samunu [niha] ba sangorifi göi, itibo'ö ba mbanua tou ba i'öhe miyawa göi.
7. Ifa'anumana niha Yehowa ba ifo'ana'a göi; ihöndrögö ba ibali'ö salawa göi.
8. Isöbi yawa moroi ba gawugawu tou zi no amomö, ba moroi ba dambu i'öhe yawa zi numana, ba ngai zalawa ifedadao, ituturu khöra naha nifosumange. Khö Yehowa sa gehomo danö, ba no ya'ia zame'e dayadaya danö ya'ia,
9. Ifaigifaigi gahe zatulö tödö andrö khönia, ba sebua horö, ba si tekiko ba zogömigömi. Tenga sa ba wa'abölönia möna niha:
10. Si fa'udu khö Yehowa, ba nirasa! Ife'ugu'ugu mbanua si yawa, yawara; Yehowa zanguhuku balö danö misa. Ibe'e wa'abölö ba zalawa andrö khönia, i'alawa'ö yawa dandru nibayoininia andrö!"

Simanö daroma Li Lowalangi, da tatema'ö faoma sinunö: BZ.Numero 20:1

#### BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.  
Mi 'ebua 'ö döi-Nia, sotöi banua-Nia.  
Me no Ikaoni göi ami, afu mitemawa'au ri, khö Yesu, Sangorifi.

#### 5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödüda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

**Mangandrö ita :**

### 3

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu, Yaduhu.

**SATO** : Manunö : BZ. Numero 224 : 1

## 224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

**SA** : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö. LAKHÖMI KHÖ LOWALANGI SI YAWA.....

**SATO** : Manunö:

## 450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö (mudadao zato)

### 6. FOMBASO TAROMA LI LOWALANGI FÖNA HUHÜO (AB)

- : Da tafondrondrongo daroma Li Lowalangi, tehalö moroi ba zura **II Timoteo 4:6-8**
6. Ya'odo sa, ba nibe'e sumange sa'ae, ba lö ara tō, ba irugi baw~a wangefagu andrō.
  7. Fasōndrata si sōkhi andrō, ba no ulau, ba tōrōw~a andrō, ba no u'o'ozui, lö nibōhōligu famati andrō.
  8. Ba iada'e sa'ae, ba no mufōfō'ö khōgu dakula ba wa'atulö dödö andrō, nibe'e Zo'aya andrō, sangatulō'ö fanguhuku, khōgu dania, na luosafuria andrō, ba tenga ha khōgu, idozigō gōi zangomasi'ö fa'ato'elenia andrō.

Ya'ahowu zamondrongo taroma li Lowalangi ba same'e ba dödö.

**SA+SATO** : Yaduhu

### 7. FAMALUA HALÖWÖ NI'AMONI'Ö FAMAYAGÖ IDANÖ

### 8. FASÖMBATA

**SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowuloi Fasömbata DPS. Ba si föföna ua da tafondrondrongo Li Lowalangi me imane:

- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

**SA** : Tafa'ema wasömbata khö Lowalangi, manunö ita moroi ba Mbuku Zinunö **Numero 319**

## 319. NA TA' OFANÖI TÖDÖDA 1

do = d 4/4  
MM = 76 - 84

1. Na ta ' ofanöi tödöda wekolida ba danö  
Manueli ba manösö lala sero ma' ökhö.  
Fa ' ahakhö dödö Yesu samaeri sondrorogö.  
Ibè khöda wa ' abölö si lö mamalö-malö.
2. Oya sa gameta' uö möi famangiwa dödö  
Si möi fombuwu wamati, na lö fanaha tödö.  
*Reff*: Fa' ahakhö dödö Yesu ....
3. Da tatara lahe Yesu wolohe fangatulö.  
Me da' ö lala wogamö, naha si lö tebulö.  
*Reff*: Fa' ahakhö dödö Yesu ....
4. Botoda ba fa' aurida, Ya' ia zamatörö.  
Lö fulitö wa takhamö naha sahono dödö.  
*Reff*: Fa' ahakhö dödö Yesu ....
5. He Ya' ugö talifusö böi abe' e dödömö.  
Böi öwai aoha wanöndra fangorifi nosomö.  
*Reff*: Fa' ahakhö dödö Yesu ....
6. Na lö sa fangesa dödö si tekiko nosomö.  
No ibaloi' ö narako naha wangaröngarö.  
*Reff*: Fa' ahakhö dödö Yesu ....

*Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö ( irama lagu ).Fatua lö möi ira wolohe föna, ba imane Sangai Agendre:)*

“Da tafasao wasömbatada andre föna Lowalangi,.....Muzizio ita fefu.....  
Manunö ita moroi ba Mbuku Zinunö numero 261

## 261. YA'E ZUMANGE <sup>1</sup>

*Ira'alawe* □

1. Ya ' e zumange fasömbata, ma ' ohe sumange Yehowa.

*Iramatua*

- Reff*: Ma'andrö khö-U fahowu'ö zumange ni 'ohema khö-Mö
2. Ya'e zumange fasömbata mabe'e soroi ba dödöma.  
*Reff*: Ma'andrö khö-U ....
  3. Ya'e zumange fasömbata buala si'otarai Nama.  
*Reff*: Ma'andrö khö-U ....
  4. Ya'e zumange fasömbata, boto, noso, ba fa'aurima  
*Reff*: Ma'andrö khö-U ....
  5. Ya'e zumange fasömbata, lö irugi zomasi dödö-U.  
*Reff*: Ma'andrö khö-U ....
  6. Ya'e zumange fasömbata, ma'aohasi gölö Zo'aya.  
*Reff*: Ma'andrö khö-U ....

**FANGANDRÖ** : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

### 8. KOOR/VOKAL GROUP

- SA** : Da tafaogö dödöda ba wanuno Lowalangi faoma sinunö ni'olohesi:  
Koor ba Vokal Group
- a. Koor Jemaat
  - b. Kegiata Komisi Bapak (Koor/Vokal Grup)
  - c. Kegiata sektor 2 (Koor/Vokal Grup)
  - d. ....

e. ....

**9. MANUNÖ  
SA**

: Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

**163. UHONOGÖ SIBAI DÖDÖGU**

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

**10. HUHUAO SEBUA  
SH**

: Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- Fombaso taroma Li Lowalangi *Matai'o / Matius 24:9-14 (Tuho Migu : Sanau Ölö Irugi Gamozua Da'ö Ni'orifi / Orang Yang Bertahan Sampai Akhir akan Selamat)*
- Fanuriaigö
- Nitanö ba dödö *Matai'o / Matius 24:13 (Ba sanau ölö irugi gamozua, da'ö ni'orifi. / Tetapi orang yang bertahan sampai pada kesudahannya akan selamat.)*
- Fangandrö Fanga'aro'ö huhuo

**SATO** : Manunö : BZ. Numero 154 : 1

**154. NO MAFONDRONDRONGO LIU<sup>2</sup>**

1. No mafondrondrongo li-U, Lowalangi So ' aya. Tanö ba dödöma ia, fa böi olifuga. Fahowu 'ö ia khöma, ena ' ö ohahau dödöma fefu. Heta ba dödö zi lö sökhi, ma'o ' ö niwa 'ö-U.

**11. TUHO WAMATI  
SA**

: Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

**SA+SATO**

- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
- ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
- ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

**12. ANGOMBAKHATA BA MBANUA NIHA KERISO**

**13. SA** : Da tafondrondrongo gangombakhata:.....

**14. MANUNÖ  
SA**

: Manunö ita moroi ba Mbuku Zinunö **numero: 503 ayati 1-2**

**503. NO UFILI U' O' Ö YESU**

do = d 2/4

MM = 96 - 104

1. Ba no ufili u' o' ö Yesu 3x  
Te-bai u - röi te - bai u - röi.
2. He lö awögu ba gulidanö 3 x  
Tebai uröi, tebai uröi.

**15. FANGANDRÖ SALAHI + FAMATENGE + HOWUHOWU**

**SH** : Muzizio ita fefu, mangandrö ita :.....(totohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

**SH + SATO** : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abölö, awö lakhömi, irugi zi lö aetu. Yaduhu

**SH** : **FAMATENGE + HOWUHOWU** :  
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :  
❖ Ya mufahowu'ö ami/ita Lowalangi, Ya murorogö ami/ita  
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda  
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

**SATO** : Manunö BZ.Numero 503 ayati 6

**503. NO UFILI U' O' Ö YESU**

do = d 2/4

MM = 96 - 104

- 7) Böi tafamalö wanuno Yesu. 3 x  
Suno Ia, Haleluya.

**SH** : YA'AHOWU

**SATO** : YA'AHOWU